



საქართველოს გარემოსა და ბუნებრივი რესურსების დაცვის სამინისტროს საჯარო სამართლის
იურიდიული პირი - დაცული ტერიტორიების სააგენტოს საკონკურსო-საატესტაციო კომისიის
თავმჯდომარის

ბ რ ძ ა ნ ე ბ ა

ქ. თბილისი

N კ/ 66 “07” ივლისი 2016 წ.

სსიპ დაცული ტერიტორიების სააგენტოს თანამშრომელთა შესარჩევი
კონკურსის გამოცხადებასთან დაკავშირებით გასატარებელი
ღონისძიებების თაობაზე

საქართველოს ზოგადი ადმინისტრაციული კოდექსის 52-ე და 53-ე მუხლების, 54-ე მუხლის
პირველი ნაწილის, 55-ე მუხლის, 56-ე მუხლის მეორე ნაწილისა და 57-ე მუხლების, „საჯარო
სამსახურის შესახებ“ საქართველოს კანონით გათვალისწინებული „კონკურსის ჩატარების წესის
დამტკიცების შესახებ“ საქართველოს მთავრობის 2014 წლის 18 ივნისის № 412 დადგენილების მე-
5 მუხლისა და მე-12 მუხლის მე-4 პუნქტის მოთხოვნათა შესაბამისად:

ვ ბ რ ძ ა ნ ე ბ ა :

1. თანამშრომელთა მიღებასთან დაკავშირებით 2016 წლის 07 ივლისიდან გამოცხადდეს საჯარო
კონკურსი სსიპ დაცული ტერიტორიების სააგენტოს შემდეგ ვაკანტურ თანამდებობაზე:

N	რეგიონი	თანამდებობა	ხელფასი
1	თბილისის ეროვნული პარკის ადმინისტრაცია	ადმინისტრაციის დირექტორი	1100
2	თბილისის ეროვნული პარკის ადმინისტრაცია	რეინჯერი (საგურამოს უბნის წიწამურის მე-4 სარეინჯერო)	450
3	თბილისის ეროვნული პარკის ადმინისტრაცია	რეინჯერი საგურამოს უბანი (ზედაზენის მე-3 სარეინჯერო)	450

4	თბილისის ეროვნული პარკის ადმინისტრაცია	რეინჯერი (მარტყოფის უბანი მე-2 სარეინჯერო ნორიოს მხარე)	450
5	მტირალას ეროვნული პარკის ადმინისტრაცია	ვიზიტორთა მომსახურების უფროსი სპეციალისტი	400
6	ალგეთის ეროვნული პარკის ადმინისტრაცია	უბნის უფროსი რეინჯერი (თრიალეთის უბანი)	470
7	ალგეთის ეროვნული პარკის ადმინისტრაცია	უბნის უფროსი რეინჯერი (ალგეთის უბანი)	470
8	ალგეთის ეროვნული პარკის ადმინისტრაცია	რეინჯერი (ალგეთის უბანი)	450
9	იმერეთის მღვიმეების დაცული ტერიტორიების ადმინისტრაცია	ადმინისტრაციული განყოფილების უფროსი	700
10	ბაწარა-ბაბანეურის დაცული ტერიტორიების ადმინისტრაცია	რეინჯერი (ბაწარის ნაკრძალი)	450
11	ბორჯომ-ხარაგაულის ეროვნული პარკის ადმინისტრაცია	რეინჯერი (ბორჯომისა და ნაკრძალის უბანი)	450
12	ბორჯომ-ხარაგაულის ეროვნული პარკის ადმინისტრაცია	რეინჯერი (ნემვის აღკვეთილი)	450
13	ქობულეთის დაცული ტერიტორიების ადმინისტრაცია	აღმასრულებელი მდივანი	200
14	ჯავახეთის დაცული ტერიტორიების ადმინისტრაცია	ბუნებრივი რესურსების უფროსი სპეციალისტი	400
15	ჯავახეთის დაცული ტერიტორიების ადმინისტრაცია	ბუღალტერი	400
16	ჯავახეთის დაცული ტერიტორიების ადმინისტრაცია	ვიზიტორთა მომსახურების უფროსი სპეციალისტი	400
17	ფშავ-ხევსურეთის ეროვნული პარკის ადმინისტრაცია	დაცვის განყოფილების უფროსი	700

18	ფშავ-ხევსურეთის ეროვნული პარკის ადმინისტრაცია	ბუნებრივი რესურსების უფროსი სპეციალისტი	400
19	ფშავ-ხევსურეთის ეროვნული პარკის ადმინისტრაცია	ვიზიტორთა მომსახურების უფროსი სპეციალისტი	400
20	მარტვილისა და ოკაცეს ბუნების ძეგლების ადმინისტრაცია	ბუნებრივი რესურსების უფროსი სპეციალისტი	400
21	ეკონომიკური სამსახური	მთავარი სპეციალისტი (სახელმწიფო შესყიდვები)	990
22	დაგეგმვისა და განვითარების სამსახური	GIS-ის სპეციალისტი	700

2. კონკურსში მონაწილეობისათვის განცხადების წარდგენა კანდიდატის მიერ უნდა მოხდეს მხოლოდ ელექტრონულად, ბიუროს მიერ ადმინისტრირებული ვებგვერდის (www.hr.gov.ge) მეშვეობით.

3. კანდიდატი ვალდებულია დამსაქმებელს მიაწოდოს უტყუარი ინფორმაცია საკონკურსო მოთხოვნებთან დაკავშირებით. კანდიდატი ვალდებულია საჯარო სამსახურის ბიუროს ვებგვერდზე (www.hr.gov.ge) შესაბამის ველში ატვირთოს:

- უმაღლესი განათლების დამადასტურებელი დოკუმენტის ასლი;
- სტაჟის დამადასტურებელი დოკუმენტის ასლი (თუ სტაჟი მოთხოვნილია);

4. დამტკიცდეს ვაკანტური თანამდებობის დასაკავებელი კონკურსის ფორმა და პირობები შემდეგი სახით:

ა) საბუთების მიღება განხორციელდეს საჯარო კონკურსის გამოცხადებიდან 10 დღის განმავლობაში;

ბ) კონკურსის შედეგად ერთ ვაკანსიაზე შერჩეულ იქნას ერთი კანდიდატი, რომელიც თავისი პროფესიული ჩვევებით, კვალიფიკაციით, შესაძლებლობებითა და პიროვნული თვისებებით შეესაბამება საკვალიფიკაციო მოთხოვნებს.

გ) კონკურსში მონაწილეობის მიღების უფლება ეძლევა საქართველოს ქმედუნარიან მოქალაქეს, რომელმაც კონკურსის გამოცხადებისთვის მიაღწია 21 წლის ასაკს, აქვს სათანადო ცოდნა და გამოცდილება, ფლობს საქართველოს სახელმწიფო ენას;

დ) კონკურსი ჩატარდეს შემდეგ ეტაპებად:

დ.ა) აპლიკაციების გადარჩევა/შეფასება - შემოტანილი განაცხადის ვაკანსიისათვის დადგენილ საკვალიფიკაციო მოთხოვნებთან შესაბამისობის დადგენა;

დ.ბ) ინტერვიუ - ზეპირი გასაუბრება, მათ შორის სამუშაო სპეციფიკიდან გამომდინარე კონკრეტული უნარის დამატებით შემოწმება (პრეზენტაცია, კომპიუტერული პროგრამა და ა.შ.). კომისია უფლებამოსილია, კონკურსის მეორე ეტაპი (გასაუბრება) ჩაატაროს skype-ის მეშვეობით.

ე) საკონკურსო-საატესტაციო კომისია თითოეულ ვაკანტურ თანამდებობაზე დასანიშნად სააგენტოს თავმჯდომარეს წარუდგენს შერჩეულ მხოლოდ ერთი კანდიდატს ან უარს აცხადებს კანდიდატის წარდგენაზე.

ვ) კონკურსის შედეგების გამოქვეყნება განხორციელდეს განცხადების წარდგენის ვადის დასრულებიდან არაუგვიანეს 3 თვის ვადაში.

ზ) კომისიის მიერ გადაწყვეტილების მიღება განხორციელდეს ღია კენჭისყრის საფუძველზე. კომისიის სხდომა უფლებამოსილია თუ სხდომას ესწრება წევრთა ნახევარზე მეტი, მაგრამ არანაკლებ 3 წევრისა. კენჭისყრის დროს ხმების თანაბრად გაყოფის შემთხვევაში, გადამწყვეტად ითვლება სხდომის თავმჯდომარის ხმა.

თ) ამ ბრძანების მე-4 პუნქტის „დ.ა“ ქვეპუნქტით გათვალისწინებული გადარჩევის ეტაპის განხორციელება დაევალოს ადმინისტრაციული სამსახურის პასუხისმგებელ პირს.

5. საკონკურსო-საატესტაციო კომისიის მიერ თანამდებობაზე დასანიშნად წამოყენებული კანდიდატი (გარდა მოქმედი თანამშრომლებისა) ინიშნება თანამდებობაზე, თუ იგი კომისიის გადაწყვეტილების გაცნობის დღიდან 2 კვირის განმავლობაში სააგენტოს წარუდგენს შინაგანაწესის მე-3 მუხლით განსაზღვრულ შემდეგ დოკუმენტებს:

- განათლების დამადასტურებელი დოკუმენტი (დიპლომის ასლი);
- ცნობა შინაგან საქმეთა სამინისტროდან ნასამართლეობის შესახებ;
- ცნობა ჯანმრთელობის მდგომარეობის შესახებ;
- მოქალაქის პირადობის დამადასტურებელი მოწმობის ასლი;
- ცნობა ნარკოლოგიური შემოწმების შესახებ, რომ აღრიცხვაზე არ იმყოფება;
- ელექტრონული ფოტოსურათი ზომა 3x4 -ზე.

6. დაევალოს მარკეტინგისა და საზოგადოებასთან ურთიერთობის სამსახურს, უზრუნველყოს კონკურსთან დაკავშირებული ინფორმაციის განთავსება სააგენტოს ვებ-გვერდზე.

7. კომისიის თავმჯდომარე ან კომისიის სხვა უფლებამოსილი პირი, საბოლოო გადაწყვეტილების მიღებიდან არაუგვიანეს 5 სამუშაო დღისა წერილობით ან ელექტრონული ფოსტის მეშვეობით აცნობებს ყოველ კანდიდატს მიღებული გადაწყვეტილების თაობაზე, ხოლო თანამდებობაზე დამნიშვნელ პირს – კომისიის მიერ წარდგენილი კანდიდატის ან კანდიდატის წარდგენაზე უარის შესახებ.

8. კომისია კონკურსის დასრულებიდან (გადაწყვეტილების მიღებიდან) ერთ კვირაში, საჯარო სამსახურის ბიუროში წარადგენს ინფორმაციას ჩატარებული კონკურსის შესახებ ვაკანტური თანამდებობების დასახელების, შესული განცხადებების რაოდენობის, კონკურსის ეტაპების, პროცედურების და კონკურსის შედეგების მითითებით.

9. საკონკურსო-საატესტაციო კომისიის მისიმართი : ქ. თბილისი გულუას ქ. №6.

10. ეს ბრძანება ღიად განთავსდეს სააგენტოს ყველასათვის ხელმისაწვდომ ადგილზე (საინფორმაციო დაფაზე) და ძალაშია მისი გამოქვეყნებისთანავე (საჯაროდ გამოცხადებისთანავე).

11. ეს ბრძანება შეიძლება გასაჩივრებულ იქნეს ზემდგომ ორგანოში საქართველოს გარემოს დაცვის სამინისტროში (თბილისი, გულუას ქ. №6) მისი ოფიციალური გამოქვეყნების დღიდან (საჯაროდ გამოცხადებიდან) ერთი თვის ვადაში.

კომისიის თავმჯდომარის მოადგილე



ეკატერინე გრიგალავა